

Pisarnica Parlamenta FBiH

From: Enver Cosickic <cenver@tk.kim.ba>
Sent: 5. juni 2024 14:23
To: Pisarnica Parlamenta FBiH; Dom naroda.info
Cc: Senad Alić; Emir Begić; Dževad Hadžić; Damir Šišić; Muamer Zukić; Silva Banović; Kenan Magoda; Žarko Vujović; Sandra Imširović; irfan.halilagic@tk.kim.ba; halilagicirfaniki@gmail.com; ahmed.omerovic@montk.gov.ba; ahmed.omerovic@icloud.com
Subject: Zaključak Vlade TK sa Informacijom Ministarstva obrazovanja i nauke TK u vezi nacrta Zakona o djelatnosti psihologa
Attachments: Zaključak Vlade TK sa Informacijom Ministarstva obrazovanja i nauke TK u vezi nacrta Zakona o djelatnosti psihologa.pdf; Dopis Parlamentu FBiH_dostava Informacije i Zaključka Vlade.pdf

Poštovani,

U prilogu emaila prosljeđujemo na uvid i upoznavanje zastupnika Predstavničkog doma i delegata u Domu naroda Parlamenta Federacije BiH, Zaključak Vlade Tuzlanskog kantona sa Informacijom Ministarstva obrazovanja i nauke TK u vezi nacrta Zakona o djelatnosti psihologa.

Predmetnu Informaciju sa Zaključkom Vlade TK dostavit ćemo i putem redovne pošte.

Sekretar Vlade TK
Enver Ćosićkić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		05-06-2024	
Org. jed.	Broj	Priloga	Vrijednost
01,02	-02-	3000	123

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 34- 14290/24
Tuzla, 04.06.2024. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 04.06.2024. godine, donosi

ZAKLJUČAK

I

Vlada Tuzlanskog kantona podržava stav Ministarstva obrazovanja i nauke Tuzlanskog kantona i Javne ustanove Univerzitet u Tuzli iznesen u Informaciji broj: 10/1-34-014290/24 od 27.05.2024. godine, u vezi Nacrta Zakona o djelatnosti psihologa.

II


Vlada Tuzlanskog kantona traži od Predstavničkog doma i Doma naroda Parlamenta Federacije Bosne i Hercegovine da Zakon o djelatnosti psihologa ravnopravno tretira i lica sa završenim prvim i drugim ciklusom studija, odnosno dodiplomskim studijem, pedagogije-psihologije.

III

Informacija iz tačke I ovog zaključka dostavit će se Skupštini Tuzlanskog kantona na razmatranje i dalje postupanje.

DOSTAVITI:

- 1 x Skupštini Tuzlanskog kantona
- 1 x Parlamentu Federacije Bosne i Hercegovine
(Domu naroda i Predstavničkom domu)
- 1 x Ministarstvu obrazovanja i nauke
- 1 x Evidenciji
- 1 x a/a



PREMIJER KANTONA

Irfan Halilagić



Broj: 10/1-34-014290/24
Tuzla, 27.05.2024. godine

VLADA TUZLANSKOG KANTONA

PREDMET: Informacija, dostavlja se

U tekstu Nacrta Zakona o djelatnosti psihologa, koji je usvojen na Vladi FBiH, 22.12.2023. godine i upućen u dalje procedure usvajanja, kao stručnjaci koji mogu obavljati psihološku djelatnost nisu prepoznati diplomirani pedagozi-psiholozi, bachelori pedagogije-psihologije, magistri društvenih nauka iz područja psihologije i magistri psihologije sa završenim studijem pedagogije-psihologije, koji su svoje obrazovanje završili na Univerzitetu u Tuzli. Ovakvim tekstom Zakona najgrublje je povrijeđen integritet Univerziteta u Tuzli, jer u istom nisu prepoznate diplome pedagoga-psihologa i kompetencije koje su stečene studiranjem na ovom respektabilnom državnom univerzitetu.

Diplome stečene na Univerzitetu u Tuzli prepoznate su i priznate u zemljama Evropske Unije i svijeta, a među njima i diplome pedagoga-psihologa, koje su uspješno nostrificirane u različitim Evropskim zemljama i na osnovu njih pedagozima-psiholozima je omogućeno obavljanje psihološke djelatnosti.

Studenti studija pedagogije-psihologije, u svom obrazovanju prema Nastavnom planu i programu prvog i drugog ciklusa studija imali su, između ostalih, zastupljene sve sadržaje i predmete propisane Evropskim okvirom i minimalnim standardima za obrazovanje i trening psihologa prema regulativama EuroPsy evropskog sertifikata za psihologiju, koje im omogućuju samostalno obavljanje psihološke djelatnosti.

Između ostalih utvrđenih kompetencija koje se stiču završetkom prvog ciklusa studija pedagogija-psihologija, studenti su osposobljeni da rade složene poslove, između ostalih oblasti i u oblasti socijalne i zdravstvene zaštite, da sudjeluju u naučnim i stručnim istraživanjima koja imaju za cilj rješavanje praktičnih problema iz područja odgoja i obrazovanja, te područja mentalnog zdravlja.

Drugi ciklus studija psihologije studentima nudi dodatno teorijsko i praktično obrazovanje iz područja struke: osposobljava studenta za samostalni rad psihologa u različitim područjima psihologije, te kao stručnog saradnika u svim djelatnostima savremenog društva (predškolske institucije, osnovne i srednje škole, visokoškolsko obrazovanje, socijalna zaštita, zapošljavanje, zdravstvo, privreda, policija, vojska, trgovina (marketing), državne i upravne institucije, itd.).

U prilog navedenom svjedoče i podaci da su osobe sa završenim studijem pedagogija-psihologija već duži niz godina zaposlene u zdravstvenim ustanovama (centri za mentalno zdravlje) i ustanovama socijalne zaštite (centri za socijalni rad, JU Dom za djecu bez roditeljskog staranja Tuzla, i sl.) i vrlo uspješno obavljaju poslove psihološke djelatnosti, kao i poslove iz područja mentalnog zdravlja.